

آبونه شرائطی

داخلی ، خارجی هریر ایچون
سنه لکی (۲۵۰) ، آلتی آیلنی
(۱۳۰) غروشدور.

[نسخه سی ۵ غروش ،
سنه لکی ۵۲ نسخه در .]

اداره خانه

باب عالی جاده سنده دائره مخصوصه

اخطارات

آبونه بدلی پیشیندر

مسلكه موافق آثار مع الممنونیه
قبول اولنور . درج ابدله بن
یازیلر اعاده اولونماز .

الکلیت

تقسیم ۱۳۳۶

دینی ، فلسفی ، علمی ، ادبی هفته لق مجموعه اسلامیه در

والله یهدی من یشاء الی صراط مستقیم

باش محرر
محمد عاکف

صاحب و مدیر مسئول
اشرف ادیب

اتبعون اهدکم سبیل الرشاد

عدد : ۳۶۷

۲۲ ذی القعدة ۱۳۳۶

پنجشنبه

۲۹ آغستوس ۱۳۳۴

جلد ۱۵

اخطارات

آدوس تبدیلنده آیریجه بش
غروش کوندرا لیدر .

مکوبلرک امضالری واضح
وارقوناقلی اولسی و آبونه صره
نومروسی محتوی بولنسی لازمدور .

ممالک اجنیه ایچون آبونه
اولانلرینک آدرسلرینک فرانسیر
جده یازلسی رجا اولنور

یاره کوندرا لیدیکی زمان نه یه دائر
اولدیغنک واضحاً بیلدیرلسی رجا
اولنور .

« بوتون بو شیلری قاج کره سویلدک ، یازدق !
 « فقط اکیم آکلایه جق ؟ بورنه ، کوردیکک قفالر
 « کنیش دوشونمک امکائی یوق ، همان باطلار !
 « برنجی سوزلری : « الله » ، ایکنجی ایشلری : « دین » ،
 « اوچنجی جمله ده وجدانه ، حقه ، شرعه یمین !
 « دویرمدکجه بو اوهامی فکرمن یاشاماز ؟
 « نه یاپسه ، چونکه ، مخاطبلریله آکلایه ماز .
 « شووارکه ییقمق ایچون ریسکه ایتمک یولی یوق :
 « حکومتک لیبرال طورى دائما نه کیووق .
 « محیطی أنتولران کورمسیله ، موقعی
 « خلاص ایچون طوته جقدر اووه رتمان دینی .
 « یا حبسه قالق جق آرتیق ، یا سورمک ایسته یه جک ..
 « احوالده دیپلوماتیک بر طریق آلوب یوروسه ک ..
 « روبر قواژده کی داهی صنعتک قامی
 « اورور بوضربه یی ایسترسه .. چونکه جدیدنه می
 « حکومتک اوکا قالقوب ده اعتراض ایتمک ؟
 « حریفده باندیرالر چیفته ، تک ده اولسه دیرک !
 « یا نازلانیرسه ؟ اوت ، نازلانیرسه یالواریرز ..
 « نیازم یک یوزی یوقدر ، همان قانار ، یالکز ،
 « دهالک جوغی « افسانتریق » دینیر یاهانی ،
 « بو پرسوناژده ده وار برجنون قیلیقلى مانى !
 « نه درمی ؟ عرض ایدیم .. کوله بیک فقط : ناموس !
 « صاقین بو چیفته هجادن جیقان صدای عبوس ،
 « - که بوش یینلری بولدجه اوتدیرر چین چین ! -
 « سویلی شاهری کوسترهمین تیتیز ، خیر چین .
 « اونک صاریلدینی آهنگ لفظه در ، یوقسه
 « صیغاری فطرت آزادی قید ناموسه ؟
 « فرانسه خلقی تصویرى واریا بیسمارک !
 « بونک ده خالی او تعریفه بکزه مزمنی باقیک :
 « « کوروله مش بو حریفلر قدر ضریب عنصر ..
 « لیبرته نامنه سردایت اوزونجه بردیسقور ؟
 « سوکندمه هپسنى دوک ، کیسه اعتراض ایدمه من .
 « لیبرته آکلادق اما بو یایدیگک نه ؟ دیمز !
 « بزم ادیبه ده بر کورله دک دمیسکی سسی ،
 « کشاده در سزه آرتیق حریم عالمه سى ! .. »

دیوبده زانغوجه باش اوردیلر . اوچنونده
 مقدساتنه خلک ، عباد ، معبوده
 صاوردی پنجره دن خاوروز اوغراتیرجه سنه ،
 کلوب کلوب طیقانان لونی پیس قریحه سنه !

« بوشاندی یزلره کفرک بر اویله مررداری :
 « که باغلابوب ابدیت ایدیه اعصاری -
 « سوپورکه یاپسملر امکائی یوق تمیزله یه من !
 « بوتون جهانی دولاش : غربی ، شرقی ، هریری کز ..
 « کورورمیسین باقلم بویله بر قودوز الحاد ،
 « کفرشی چیکنه یه رک هرشه خیرلا سین ؟ هیهات !
 « جنایتک بوشاعت قدر ملوثی
 « ایشیتک ایسته من انسان ، دکل که کورمسی .
 « سزک چوجوقلر یکز دینی بللیور ایسکین ؟
 « اسس تربیه کر محوی هادنا شرکک .
 « بزم چوجوقلر ایچون ، شمدی ، علم حال اولدی ،
 « کوموبده حفره ماضی یه حی معبودی ،
 « نه وار نه یوقسه مقدس ، اونکله بیتدی دیمک !
 « شبیه حق ویریم .. چونکه اوچ بینسز اینک
 « یازوب طاغیتدی اوملعون برات عصیانى ؟
 « صیلرک یورکندن قوباردی ایمانی !
 « اوقوتدی صورته ده « صنعت مقید اولمایه جق »
 « دیوب حیادن ، ادبدن بوتون بوتون « مطلق »
 « پاچاوره لرکه نگاه اورپرر تماشندن !

[ده قوله - کوکی باغری آرتیق - سوسیه ته - قادی ادرک قاریشیق
 مجلس - قوملقو - ان الزمان - سورقه - سر ، انجه لک - ده زارمه - سلاحی
 لندن آلمش - بورنه - محدود ، طار - ریسکه - ته لک یه آتیلیمق - لیبرال -
 مذهبی کنیش - نه کیووق - مشکوک ، ایکی یوزلو - أنتولران - متعصب .
 اوورتمان - آچقندن آچیفه - دیپلوماتیک - قورنازجه سینه - ووبرقواژ -
 آمریقانلرک بر مؤسسه دینیله ری - افسانتریق - تخمه سی اکسینک - پرسوناژ -
 اشخاص مهمه دن - مانى - ابتلا - لیبرته - حریت - دیسقور - نطق]

محمد عاکف

تجاوزک بودرجه سى ده اولورمش

یکین پنجه سبه کونی انتشار ایدن « وقت » غزته سند « دوقور
 عبدالله جودت » امضاسی و « حقیقت هرشیدن اوستون » سرنامه سى
 ایله غزته صاحبه اتحاف ایدیلش بر مقاله ده :
 « بز نه زمان کندی کندیمزک آینه سى اولاجیز ، نه زمان اولدیغیمزکی
 کورونه جکز و کوروندیکمزکی اولاجیز ؟ بوکون توفیق فکرت یک مرحومک
 اوچنجی سنه وفاتی مناسبتیه (آشیان) ه کیتدک . یولده یانمه محررلردن بری
 بولوندی : یوقوشی بالطبع یایان جیقوردق . هوا صیجاردی . ترلیوردق .
 یول آرقاداشم « بوجنایت [۱] یرده نام طاعک تپه سند « ! دیدی . بونی
 ایشیدر ایشتمز طونا قالدیم .

« عزیزم روضه نی بی زیزته کیدن برحاجی بوجنایت [۱] یرده نه قادار
 [۱] بولفظک هراکی یرده ده تصحیف و تحریفه اوغراماسی سهو مرتب
 اثری اولمایوب کله نک قائل و ناشر نه ده استیضاع ایدلیدیکنی و تزییف و تحقیری
 کوکسلیکی کره کره یاباماقله برابرینه بر مقتضای جبلت و از کجه مه دکلینی
 کوستیرر .

صباح پروا دہدہ پایہ پیمش دینہ حاج ہونا نہ دیر؟ دینک محال مقدسہ سی اولدینی کی فضیلتک، علمک، ادبک دہہ مقدس برلری، اولنرک دہہ حاجی، متعصب لری واردلر۔ ساقین برداھا بویله دوشونمہ یک وسویلمہ یک «دیدم» سوزلری دہ وار ایدی۔ بز بوسطرلری او قورکن جرأتک، کشتاخلفک، دین اسلامہ تیجاوزک بودرجہ سنہ قارشى طوکه قالدق۔ بومستہجن سوادى مطالعہ ایدنلر میانندہ قلبندہ ذرہ ایمانی اولانلرک دہ بزم گرفتار اولدیغمز بہت وحیرتہ دوچار اولمش اولدقلمرینہ شہامز یوقدر۔ حضرت رسولہ (صلی اللہ علیہ وسلم) اولان بوتمدی بی کورنجہ درحال خاطر مزہ (بداء الاسلام غریبا وسیعودکا بداء) دین اسلام غریب یعنی منشأی اولان دیار دہ یابانچی اولارق باشلادی۔ نہایتہ ینہ باشلادینی کی اولاجقدر (کلام عالی نبویسی کادی۔ اوت، بودین آرتق غریب اولدی۔ ہم دہ غریبا کی بردرجاہہ واردی کہ بی اسلام کندى یوردندہ، حکمران اولدانی یزدہ عبداللہ جودت کیلرینک سبلی تحقیرینہ تلتا اوغرا یوردہ شق شق ایدن بولونمور۔ غریبتک درجہ سنی دوشونکز کہ خلافت اسلامہ وساطت عثمانیک مقررندہ نبی اسلام (علیہ الصلاۃ والسلام) یومی بر غزتہ واسطہ۔ سیلہ علی ملا الناس معروض دشنام اولیور دہ مطبوعات سائرہ بونی اوتاہ یاقیشیر بر سکوت ایله قارشیا یوردہ مدت پاشاہ اسناد ارتکاب ایدنلر قارشى بنای مشروطتک آلتہ صانک بومبا قونمش کی ہر طرفدن قوپاریلان ویا قوپار تیلان پروتستو یانرہ لرینہ بر غزتہ لر مکس اولیور، نیک و بد انقالی حقہ کی انتادات تاریخیہ ہوز یابلاش بر کیسہ خاند کی ادبی اسانظام ایله قائلنک قوہ معنویہ سنی قیروب سسوزینی همان آخرینہ طیفق مسلکینی التزام ایدیور دہ بوتون اہل اسلامک ناجان اوینہ، اک مقدس طائیدقلمری مفخر موجودات اقدمز - ضرر لرینہ حوالہ ایدیان نیستہ تزییف و تحقیرہ قارشى لاقیدوبی فتور بر وضع مجرمانہ ایله لال وابکم طور یورلر۔

کندیلرینی تنویر افکار وارشاد ناس ایله مکلف کورن، امر بالمعروف ونہی عن المنکر ایله سوزدہ موظف اولان ارکان مطبوعاتدن ہیچ برینک قلبندہ نور ہدایت، دین اسلامہ رعایت، پیغمبر آخر زمانہ (صلی اللہ علیہ وسلم) محبت حق ہیچ بوق فرض ایدلم، زیرا فرضک ساحہ سی آچقدروہر برینک فردا فردا مؤمن اولمادیغہ اطلاعزدہ یوقدر۔ بوکی نشریاتک دیار اسلامہ و اسلام کہ وہ سندہ ظاہر اولان مطبوعات ستونلریلہ کورولمہ سندن حاصل اولمش واولاجق مضرات سیاسیہ بی اولسون عجیب ادراک ایتورلری؟ ایدیورلر۔ ہ بوقیلدن نشریات دشمنانہ بی کوروبدہ۔ وطن پرورلک سائقہ سیلہ اولسون۔ وجدان وقلملری عصیان ایتہمک، رتبہ ادبی درجہ ایمانی کچہمین بویله بر صاحب قلمہ حدیثی بیلدیرمہمک۔ جرمہ اشتراک دکسہ۔ ذل ومسکنتک صوک در کہ سیدر۔

دوشونمہ لی کہ مرکز و مقر اسلام اولق لازم کان دار الخلافہ سندہ یوزندن حیاطر ناقلہ بولونمش بویله بر مخلوقک تحقیرینہ اوغرایان ذات

مقدس عالم انسانیت اوزرندہ حق نعمت ادا عاسندہ بولونابیلا جک کیسہ لرک ہیچ ہیچ بوق کہک برنجی سیدر۔ حقوق بشرینی اولنک قدر توضیح ایتش ہیچ بر کیسہ یوقدر۔ بویله بر ذات مقدسک ہیچ اولماز سہ «تاریخی» نامی ویریلہ سیلہ جک حقوقندن تعامی ایتدکن صوکرہ مطبوعات آرتق - حق، حقیقتی بردہا آغزہ آلمایہ حیا ایتہ لیدر۔ چونکہ (الساکت عن حق شیطان اخرس) حق سویلہ مکدن ساکت قلان کیسہ دیلدیز بر شیطاندر (کلام عالیسیلہ حقک قدرینی اعلا ایدن ینہ اوزات عالیشاندر۔

غزتہ محررلری بو ایکرنج سوزلری احتمال کہ تاویل ایدہ رک کندیلرینی مذکور کوردرلر۔ فقط بوکادہ یول یوق۔ چونکہ صاحب مقالہ کفر باز لرک سر کردہ لرندن کچندیکنی بوتون نشریاتیلہ اثبات، ایتش باخصوص «اجتہاد» ندہ انیسای کرامہ قارشى دفعات ایلہ باپراق آچمش بر کیسہ اولدینی کی بو ناسزا ہذیانلرینی بو مقالہ درج ایتہ کہ بہانہ آرامش اولدیغہ دہ مقالہ نک کندیسى شاہددر۔

محرر یک آچق برامل حلول و انتفاع ایلہ داخلہ ناظرینہ خلوص کارقلہ سوزہ باشلایوب سامانہ نظیف بکی مؤاخذہ ایدیور۔ بو مؤاخذہ سندہ دہ واعظانی طاقتہ رق طالع اخلاق درسی ویریور۔ آندن صوکرہ خوان یغمایہ یتیشہ مہمش، شکار ثروت، وسامانی الدن قاپیرمش بر بیواہ محروم طور خسودانہ سیلہ، یکی تجارہ، مبعوثلرہ، دونکی ناظرلرہ، باخصوص پارہ قازانمش اہل قلمہ هجوم ایدیور۔ اورادندہ «آشیان» ی زیارت ایدنلر میانندہ احتمال کہ اسمی غزتہ۔ لردہ ذکر ایدیلہمک کی بر ذہولی تعمیر ایچون توفیق فکرتدن واورایہ کتدیگدن بحث ایدیور، امر اللہ اقدیہ سوکیور، غیرت مساکیکہ سائقہ سیلہ ینہ ادبایہ دونوب «پارہ قازانمقدن واز کچک» نصیحاندہ بولونور۔ مقالہ نک موضوعی ایشہ بو۔ بوہ موضوع مشوشی افادہ ایدن عبارات ایلہ بالایہ آلدیغمز عبارہ اعتبار مصدرلری شخص واحد ایکن ینہ بری برینہ طارغین اوکوز کی باقیورلر۔ آرالرنہ حاصل اولان مناسبت تصادفاً وطیبی بر صورتدہ بریردہ بولوشمقدن زیادہ جبر طایہ لہ یان یانہ کتیرلکدن، بویوندروق آلتہ صوقولمقدن عبارتدر۔

بعض صحافی نگاران بلکہ دہ «حجاج بوکانہ دیر؟» استفہامی - قائلہ یوزیک لغت! - سب نینک عرین صدر اولماش اولدیغہ دلیل عد ایدرلر۔ لیکن مزراق جوالہ صیغماز۔ ہیچ بر مناسبت بوق ایکن بو سب شبہی بر قائل مفرضہ اسناد ایتہ سی، بوسوزلری - «اللہ ایمانی وارمیدی، یوقیدی؟» دیہ موضوع مناقشہ ایدیلوب بعض غزتہ لر جہ بویله بر قید ایلہ بقید اولمادیفی تعریخ ایدیان - «تاریخ قدیم» صاحبی توفیق فکرت ایلہ جناب سید المرسلینی مقایسہ وادیسندہ ذکر ایتہ سی، «آشیان» زائرینک

... عبدالله جودت بك بر محرر آرقادشيله بش كون اولكى برماجراسندن ده اومقاله سنده دمساژ اوليور، دييور كه :

« ... بوكون توفيق فكرت مرحومك اوچنچي سنه دوريه وفاتي مناسبتيله (آشيان) كيتك . يولده ياتمه محررلردن برى بولوندي . يوقوشى بالطبع يايان چقيورق . هوا صبحاقدى . ترليوردق . يول آرقادشم (بوجنابت يزده تام طاغك تپه سنده) ديدى ... »

اخلاق عموميه مراقبي عبدالله جودت بكك ذاتاً بوقدريني بيله نفرت ايتمكسزین نقل ايدمه مديكم سوزينك آلت طرفيله صحائف مطبوعاتی دها زياده كيرلتمه جكم . (اجتهاد) صاحبي محرر آرقادشك اوترييه سزجه سوزيني بر حمله ده ادب سزك درجه سنه كوتوره رك زوالی (آشيان) . سورولن وصف ملوثی برقياس مع الفارق وكستاخ بر تشبيه غير محق ايله . حاشاتم حاشا - روضه مطهره پيغمبري به قدر بولا شديرمق ايستيور .

بوراده جالب نظر و غنيان آور بر نقطه وار :

٩٣ عماريه سنك ديار مزه . كتيورديكي فلاكتله نامق كال بك مرحوم ،
عرق بياني و مبارك وجدانيه اغلاركن ،
كيت ، وطن !.. كه به ده سيامه بون ،
بر قولك روضه نجي به اوزات ،
بريني كريلاده مشهده آت ،
كاشانه بو هيتككه كورون !..
ديمش و هر كسي سهرله آغلامشدي .

آمان ياربي !.. قرق سنه ايچنده نه قدر دكشمش و نه قدر تردى ايتمش !.. كال بك مجروح و معزز وطنك فلاكتلرينه قارشى - او زمان مناطق حرب و جدالدين بك اوزاق قالمش اولان - خوابگاه محمدين كوز ياشلريله امداد و تسليت ديلنيور؛ شمدى ايسه حكيم اولديغنى ، شاعر اولديغنى اعلان ايدن بر مطراياز ، بوديقه لرده . الا فداكار كو كس لرله - ايمانك مبارك سينه عزيميله - الك خان دشمن دينه قارشى مدافعه اولمقده بولنان بر سر قد عرش - ماهيتى الك شيس بر صفتله و عادتاً استخفاف واستحقار ايدن بر پرواسزلق و حياسزلقه آغزينه و قلمنه طولامق ادب سزك كنده بولنيور .

آستان بلندي اوچيوز مليون اهل اسلامك اون درت عصر دن برى بوسه كاه تجيلى اولان او روضه مطهره يي بو دقيقه ده قائلري و جانلريله مدافعه ايدن قهرمانلر (دوقور عبدالله جودت) امضاسى اوسته بوكلشمش اولان بوملوث سطرلري كوررلرله نه ديرلر !.. ويا نه ديمزلر !..

احمد امين بك ، (دوقور عبدالله جودت) امضاسندن غزه سنه شرف و احتياج تنقيد و تشهيرينه مدد بكليورسه بك يا كليور !..

سليمان نظيف

قوللانديغى لفظ غليظى هر نه طرزده ارلورسه اولسون ذات نبي حقنده عينا و لفظاً تكرار ايتمه سى تزييف و تحويرى اعمدايتديكك اوج دليل بارزيدر . .

حاصلى بومسئله ده مطبوعات وظيفه سنى ايتا ايتمه دى . حكومت ده واقعا غزته يي تعطيل ايدمه رك نو طاماً بر جزا ترتيب ايتديسه ده غزته يي اوج كون تعطيل ايتككه وظيفه سى ختامه ايرمش صاييله ماز . بيله مز ، احتمالكه بعض اسباب سياسي طولاييسيله جزاي تعطيلي بو قدر خفيف كچيشديروب اصل قنوني ده آريجه ترتيب ايتك اوزره در . دين اسلامك حقوقى قانون اساسيسنك اوچنچي ، دردنجي ، يدنجي ، اونجى ، اون برنجى ، آلتش دردنجي و يوز اون سسكنز ماده لرنده مكرراً تأمين ايديلن بر حكومت اسلاميه دن بزم بلكه ديكمز دها آغير برشيدر . دين اسلامده الك شديد جزا بوجرم منحوسك جزاسيدر . مطبوعات قانونك اون آلتنجى ماده سى ده بويله بر مجرمى برآيدن بر سنه به قدر حبس ويكرمى عثمانلى آلتونندن يوز عثمانلى آلتونه قدر جزاي نقدى ايله محكوم ايديور . ينه بوقانونك اوتوز برنجى ماده سى هيچ بر طرف دن دعوى واقع اولمقسزین مدعى عمومى يي بوجرمى رأساً تعقيب ايله مكلف طوتيور . مع هذا بوستونلرده كى شكايتمزده - اصول سز دخى اولسه - دعوى مقامه قائم اولاييلر ظن ايد يوز . بناء عليه باش مدعى عمومى ليكك ساقه وطن پرورى ايله اولسون ايشه - شايد شيمدى به قدر ايتمه مش ايسه - وضع بد ايتمه سنه انتظار و قانون اساسينك اون دردنجى ماده سى موجبجه بوسطرلرله حق شكايتمزى استعمال ايتديكمزى داخليله ناظرى بك افندي به اخبار ايدورز .

« سبيل الرشاد » مجموعه مكرمه سنه

(وقت) غزه سى ٢٢ آغستوس تاريخلى نسخه سنده (دوقور عبدالله جودت) آدى بر خاسرك ايكي ستونلق بريازيسى نشر ، دها طوغريسي شهر ايتدى . صريح و يا ضمنى دوجار تعرض اولانلر مياننده فقيره بولنيوردم . (وقت) غزه سى يازديغم جوابى - غالباً مدار مباهاتى اولان بيطر قفله مغاير اولما ديغچون - نشر ايتمه رك (عبدالله جودت) امضالى ترهاتى مقدما غفلتله درج ايتمش اولديغنه ندامت ايتمش بولنديغنى اعتراف كى بر معذرت عجيبه ايله مسئله يي قايتمق ايسستدى . بن بوراده شخصمه عائد سوزلرله مجموعه فاضله كزك قيمتدار صحيفه لرينه بار اوليه جغم . فقط او هذيانلر آراسنده روح اسلامك مطاف تجيلى اولان بر نقطه به تعرض واردى . جوابك يالكز بوبخشه عائد سطرلرينى لطفاً نشر ايله هيتت معصومه اجتماعيه مركز نه كى مخلوقات عليه ويا علل خلقه سله محاط و آلوده اولديغنى عالمه كوستريكر . جرأت متقدمه سنه رغماً ، (وقت) غزه سى طرف دن نشر اولمق ايستمين سوزلرمك صوك سطرلري بوللردر :